

## **Coinníollacha ar leith maidir le Bannaí Coigiltis**

### **Bannaí Coigiltis (an 18ú hEisiúint) – Téarma 3 bliana – Toradh Iomlán 4%**

Arna eisiúint de bhun Alt 54 den Acht Airgeadais, 1970 arna leasú.

Baineann na Téarmaí agus Coinníollacha Ginearálta a bhaineann le Táirgí Coigiltis Stáit áirithe, ar féidir iad a leasú ó am go chéile de réir choinníoll 13 (Leasuithe ar na Téarmaí agus Coinníollacha Ginearálta seo) díobh, le Bannaí Coigiltis agus ionchorpraítear anseo iad trí thagairt. Tá na Téarmaí agus Coinníollacha Ginearálta agus na Coinníollacha Sonracha (na Coinníollacha Bannaí Coigiltis seo san áireamh) ar fáil ar an suíomh gréasáin.

#### **Forfheidhmiú agus Léirmhíniú**

Mura sainmhínítear a mhalairt anseo, beidh an bhrí le téarmaí caipitlithe arna n-úsáid sna téarmaí agus coinníollacha seo a bhaineann le Bannaí Coigiltis (“**Coinníollacha na mBannaí Coigiltis**”) a shanntar dóibh sna Téarmaí agus Coinníollacha Ginearálta.

I gcás coimhlinte nó doiléire idir na Téarmaí agus Coinníollacha Ginearálta agus Coinníollacha na mBannaí Coigiltis, beidh feidhm ag Coinníollacha na mBannaí Coigiltis.

Baineann Coinníollacha na mBannaí Coigiltis seo leis an 18ú hEisiúint amháin agus tá siad éifeachtach ó Dé Domhnaigh, an 1 Deireadh Fómhair 2023. I gCoinníollacha na mBannaí Coigiltis seo:

Beidh an bhrí ag “**Bónas**” arna leagan amach i gcoinníoll 2 thíos.

Ciallaíonn “**an 18ú hEisiúint**” Bannaí Coigiltis arna eisiúint Dé Domhnaigh, an 1 Deireadh Fómhair 2023 nó ina dhiaidh sin agus atá ar fáil lena gceannach go dtí go gcinneann an tAire Airgeadais, ag feidhmiú trí GBCN, a mhalairt.

Ciallaíonn “**Dáta Aibíochta**” dáta cothrom lae trí bliana ón Dáta Clárúcháin.

Ciallaíonn “**Téarma**” an tréimhse dar tús an Dáta Clárúcháin agus dar críoch an lá roimh an Dáta Aibíochta.

#### **1. Íos-sealúchais agus Uas-sealúchais san 18ú hEisiúint**

- 1.1 Is ionann an t-íos-sealúchais san 18ú hEisiúint ag aon am agus €50.
- 1.2 Faoi réir choinníoll 1.4, féadfaidh duine aonair Bannaí Coigiltis san 18ú hEisiúint a cheannach suas le luach comhiomlán €120,000, d’ainneoin an bhfuil na Bannaí Coigiltis sin ag duine mar Shealbhóir aonair nó mar Chomhshealbhóir.
- 1.3 Níl aon teorainn ar Bhannaí Coigiltis san 18ú hEisiúint atá i seilbh mar thoradh ar:
  - (a) aistrithe chugat de réir choinníoll 17 (Bás Sealbhóra) de na Téarmaí agus Coinníollacha Ginearálta; agus/nó
  - (b) infheistíocht a dhéanann tú le fáiltais tráth aibíocht Táirgí eile.
- 1.4 Chun críocha comhbhaillí uas-sealúchais aon duine aonair san 18ú hEisiúint a ríomh, cuirfear aon Bhannaí Coigiltis atá agat de réir choinníoll 1.3 le haon Bhannaí Coigiltis san 18ú hEisiúint a ceannaíodh cheana. Má shroicheadh nó má sháraíonn duine a n-uasteorainn mar gheall ar an ríomh seo, ní ghlacfar le haon hiarratas eile chun Bannaí Coigiltis san 18ú hEisiúint a cheannach.
- 1.5 Chun críocha uas-sealúchais chomhiomlán Chomhshealbhóirí san 18ú hEisiúint a ríomh, measfar go mbeidh codanna comhionanna de Phríomh-mhéid Bannaí Coigiltis ag gach Comhshealbhóir agus roinnfear go cothrom é idir gach duine de na Comhshealbhóirí.
- 1.6 Chun críocha comhiomlán sealúchais aon duine aonair san 18ú hEisiúint, ní cuirfear aon Bhannaí Coigiltis i seilbh carthanais, comhlachta neamhchorpraithe nó cara-chumainn a bhfuil baint ag an duine aonair leo sa áireamh agus ní áireofar é ach i ríomh na huasteorann sealúchais don charthanas, chomhlacht neamhchorpraithe nó cara-chumainn sin.

#### **2. Íocaíocht Bónais**

- 2.1 Beidh bónais iníoctha ar Dhuaisbhannaí (“**Bónas**”), de réir an choinníll seo, ar a luaithe díobh seo:
  - (a) an Dáta Aibíochta, nó
  - (b) dáta na Fuascaite Luath.
- 2.2 I gcás go gcoinnítear iad go dtí deireadh an Téarma, is ionann méid iomlán an Bhónais iníoctha leat agus 4% den Phríomh-mhéid amháin an Dáta Aibíochta.

- 2.3 I gcás go bhfuasclaítear Bannaí Coigiltis (ina n-iomláine nó i bpáirt) roimh chomóradh an chéad bhliain ón Dáta Clárúcháin, ríomhfar an Bónas iníoctha chugat ag ráta 0.00% in aghaidh na bliana ar an gcuid den Phríomhshuim atá á fuascailt don líon laethanta ó Dháta an Chlárúcháin (san áireamh) go dtí dáta na Fuascailte Luath (nach bhfuil san áireamh).
- 2.4 I gcás go bhfuasclaítear Bannaí Coigiltis (ina n-iomláine nó i bpáirt) ar chomóradh an chéad bhliain ón Dáta Clárúcháin nó ina dhiaidh, is é an Bónas iníoctha chugat ag suim:
- (i) an méid a ríomhtar tríd an gcuid den Phríomhshuim atá á fuascailt, Céatadán de Bhónas Carnach Iomlán a thugtar le fios i dTábla 1 thíos don chothrom lae is déanaí den Dáta Clárúcháin, agus
  - (ii) méid ríofa ag ráta 0.00% in aghaidh na bliana ar an gcuid den Phríomhshuim atá á fuascailt don líon laethanta (más ann dóibh) ó (agus lena n-áirítear) dáta an chothrom lae is déanaí ón Dáta Clárúcháin chuig dáta na Fuascailte Luath (ach gan é a bheith sa áireamh).

**Tábla 1**

Comóradh Bliana an Dáta Clárúcháin a dtarlaíonn an fuascailt air nó ina dhiaidh sin	1ú	2ú	3ú
Céatadán de Bhónas Carnach Iomlán	0.00%	2.00%	4.00%
Sampla de thoradh (príomhshuim agus Ús) ar Phríomhshuim €1,000	€1,000	€1,020	€1,040

**SAMPLA** – Más ionann Príomh-mhéid Banna Coigiltis agus €1,000 agus má fuasclaítear é ina iomláine tar éis 2 bhliain agus 160 lá, is ionann an Bónas iníoctha: €20.00 (agus Céatadán de Bhónas Carnach Iomlán 2.00% dlite ar an 2ú cothrom lae den Dáta Clárúcháin á chur i bhfeidhm); agus €0.00 (agus an ráta bliantúil 0.00% á chur i bhfeidhm ar an 160 lá ón dara chothrom lae den Dáta Clárúcháin chuig dáta na Fuascailte Luath (ach gan é a bheith san áireamh), a thabharfaidh Bónas iomlán iníoctha €20.00 agus toradh iomlán (Príomh-mhéid agus Bónas) €1,020.

### **3. Fógra maidir le Dáta Aibíochta**

- 3.1 Ar a laghad 10 Lá Gnó roimh an Dáta Aibíochta, déanfaimid teagmháil leat i scríbhinn:
- (a) chun tú a chur ar an eolas maidir leis an Dáta Aibíochta agus an t-íomlán iníoctha leat; agus
  - (b) lena iarradh ort treoracha a thabhairt maidir le híocaíocht na suime sin.
- 3.2 Coinneoidim an t-íomlán iníoctha leat go dtí go bhfaighimid treoracha. Ba cheart duit a thabhairt faoi deara, nach bhfabhróidh aon Bhónas ná méid eile i ndáil le Bannaí Coigiltis san 18ú hEisiúint ar an Dáta Aibíochta nó ina dhiaidh sin.

### **4. Cánachas**

- 4.1 Níl an Bónas faoi réir Cháin Choinneála ar Ús Taisce, agus tá sé díolmhaithe ó Cháin Ioncaim, Árachas Sóisialach Pá-Choibhneasa agus ón Muirear Sóisialta Uilíoch. Tá Bannaí Coigiltis san 18ú hEisiúint díolmhaithe ó Cháin Ghnóthachan Caipitiúil in Éirinn.
- 4.2 D'fhéadfadh dliteanachas cánacha eile bheith agat ag brath ar do chúinsí áirithe. Mholfaimis dá bhrí sin go rachaidh tú i gcomhairle le do Chomhairleoir Cánach.